

Դ—Ր ՍԱԼԵՂ ԶԱՀՐ ԱԴ-ԴԻՆ, ՀԱՅՏԵՐԸ, Ժողովուրդ և պրսրլեմ.
աք-Թակադումիա հրատարակչություն, Բեյրութ, 1988. 336 էջ (առաբերեն)

الدكتور صالح زهر الدين ' الارمن شعب قضية ' دار التقادمية
بيروت ' ١٩٨٨ ' ٣٣٦ صفحة

Գրախոսվող մենագրությունը Օսմանյան կայսրությունում հայկական ցեղասպանության և առհասարակ Հայկական հարցի նկատմամբ արաբական Արևելքի երկրներում վերջին տարիներին աճող հետաքրքրության մի նոր վկայություն է: Նրա հիմնական նպատակը, ինչպես դժվար չէ նկատել, ոչ այնքան հետազոտական խոր քննություն կատարելն է, որքան արար մտավորականության դատին հայ ժողովրդի պատմության մեղ հայտնի ողբերգական էջերը ներկայացնելը: Այդ նպատակագրումով էլ պայմանավորված են թե՛ գրքի կառուցվածքը և թե՛ բննարկվող խնդիրները: Նրա յոթ գլուխներում ընդգրկված բազում հարցեր սերտորեն փոխկապակցված են և հանդիսանում են միմյանց տրամաբանական շարունակությունը:

Սալեհ Զահր ադ-Դիևի աշխատությունը դրված է աղբյուրագիտական լայն հենքի վրա, որտեղ օգտագործվել են Հայկական հարցին նվիրված եվրոպական, ռուսերեն, արաբերեն լեզուներով տարաբնույթ սկզբնաղբյուրներ, գիտական գրականություն, ինչպես նաև պարբերական մամուլի նյութերը: Դրա շնորհիվ էլ արար պատմաբանին հաջողվել է շարադրել մի ինքնատիպ աշխատություն, որն ընթերցողին հանգամանորեն ծանոթացնում է Հայկական հարցի հետ՝ իր բոլոր մանրամասնություններով: Գիրքը աչքի է ընկնում կուռ շարադրանքով և հետաքրքրական եզրահանգումներով:

Մենագրության նախաբանում Սալեհը ընդհանուր գծերով ներկայացնում է հայ ժողովրդին, առանձնակի ձևով շեշտում է նրա անցած պատմական անհարթ ուղին, ապրելու և արարելու աներևակայելի ձգտումը: Հայկական հարցը համարելով համայն մարդկության խղճի գործը՝ արար պատմաբանն իր գրքի հրապարակումը պատճառաբանում է որպես այդ հարցին հավատարիմ մնալու, այն պաշտպանելու

և վիրական պրսնորում (էջ 8)։

Աշխատության առաջին գլխում (Հայերի օադումը, նրանց հայրենիքն ու մշակույթը) ինքնակր ամենից առաջ կանգ է առնում հայերի, որպես Հայկական լեռնաշխարհի էթնիկական հնագույն միավորի, տեղաբնիկ լինելու զաղափարի վրա: Նրա կարծիքով Հայկական լեռնաշխարհում հայերը ապրել են նախապատմական անշիջելի ժամանակներից, կենաց-մահու պայքար են մղել օտարերկրյա նվաճողների դեմ՝ աշխարհին տալով նյութական և հոգևոր մշակույթի անմահ հուշարձաններ: Ապա նա ավելացնում է, որ մարդաբանական, մշակութային, լեզվական և օժանդակ այլ նյութեր միաբերան հաստատում են, որ հայերը եղել են իրենց լեռնաշխարհի տեղաբնիկներ և լայն շփումներ են ունեցել հարակից տարածքների աշխարհի հնագույն ժողովուրդների՝ խեթերի, շումերների, բաբելոնացիների, ասորիների և այլոց հետ (էջ 15—17): Բացի այդ, հեղինակը համառոտակի անդրադառնում է Հայաստանի աշխարհագրությանը՝ զգալի ուշադրություն հատկացնելով հայկական մշակույթին, հարևան ժողովուրդների հետ ունեցած փոխառնություններին, հայերեն գասական թարգմանություններին: Այլևայլ հարցերի բրննարկման թվում Սալեհը կանգ է տնում մասնավորապես Հայաստանում քրիստոնեության պաշտոնապես ընդունման և Մեսրոպ Մաշտոցի կողմից հայոց գրերի ստեղծման վրա: Նրա կարծիքով, պատմական այդ երկու խոշոր իրադարձությունները հիրավի ճակատագրական մեծ նշանակություն ունեցան հայ ժողովրդի կյանքում, խոր հետք թողնելով ընդհանրապես Հայաստանի զաղափարական, քաղաքական, մշակութային բոլոր բնագավառների վրա, նպաստեցին հայ ժողովրդի վերածննդին (էջ 27): Արար պատմաբանը մասնավորապես ընդգծում

է «հանճարեղ գիտնական» Մևրուս Մաշտոցի կողմից ստեղծված ինքնատիպ ալբուրների դերը հայկական ազգային մշակույթի զարգացման գործում՝ այն համարելով հայ ժողովրդի «ինքնապաշտպանության շղթա՝ շահակա՛ն ալբուրներ, դրում է նա, ոչ միայն պահպանեց հայ ժողովրդին, հայ մարդու հոգեկան կերպավոր, այլև առաջին հերթին «հայկական մշակույթը փրկեց ձուլման վտանգից, որը նրան սպառնում էր թե՛ արևելքից և թե՛ արևմուտքից՝ սասանյան պետության և բյուզանդական կայսրության կողմից» (էջ 31)։

Մենադրություն երկրորդ դիմի (Հայերի վիճակը Թուրքիայի լծի ներքո) արար պատմաբանն անցնում է իր բուն շարադրանքին՝ Հայկական հարցի և ցեղասպանության խնդիրների լուսաբանմանը։ Փաստական հարուստ նյութի համադրության շնորհիվ հեղինակը ցույց է տվել հայկական ջարդերի նախադրյալները, պատճառները, Արևմտյան Հայաստանի ծանր կացությունը։ Այդ առիթով նախ և առաջ նա վերածում է վերլուծել հայ-թրքական փոխհարաբերությունները, բանի որ, ինչպես ինքն է նշում, օսմանցիները ընդդեմ արևմտահայության ամենից առաջ դիմեցին քուրդ ազգաբնակչությանը։ Մինչև հայկական կոտորածները, Սալեհի կարծիքով, հայ-թրքական հարաբերությունները քիչ թե շատ բարդորացիական էին։ Օսմանյան կայսրության ղեկավար շրջանները հայ-թրքական դաշնակցությունը դիտում էին իրեն հակաթուրքական վտանգավոր հետևանքներով հղի մի երևույթ։ Այդ դաշնակցության մեջ սեպ խրելու նպատակով մշակվեց հատուկ մի ծրագիր, որի համաձայն թրքական ցեղերի բոլոր տեսակի խլրտումները, հուլումները ուղղվեցին հայերի դեմ։ Նման քաղաքականությամբ օսմանյան կառավարությունը հասավ իր նպատակին, շնայած քուրդ առանձին ցեղապետեր կոհանքին թուրքերի հրեշավոր նույատակները և երբեմն փորձեցին խուսափել ընդհարումներից, չենթարկվել թուրքական այդ պրովոկացիային։ Այնուհանդերձ, թրքական վերնախավը, թուրք ղեկավար մարմինների հետևողական քաղաքականության շնորհիվ, հետզհետե գնաց այդ քայլին։ Դրան գումարվեցին հայկական նահանգներում բնակեցված շեքեղների ահաբեկիչ գործողությունները, որոնք մեծապես խրախուսվում էին պետության կողմից։

Արևմտահայության ոտնահարված իրավունքները, նրանց նկատմամբ կիրառվող կամայականությունները, անմարդկային հալածանքները զանգվածային արտագաղթի ալիք առաջացրեցին ողջ կայսրությունում։ Ղեկավար շրջանների հրահանգներով հայկական լքված

վայրերը սկսեցին բնակեցվել քրդերով, որոնք շատ հաճախ սիրահոծար էին դիմում այդ քայլին։ Քրդերի կողմից գերեվարումը, կողոպուտը, ավերածությունները, ավելացնում է հեղինակը, դարձան առօրյա սովորական երևույթ Արևմտյան Հայաստանի գրեթե բոլոր նահանգներում։

Մենադրության նույն գլխում բնական վերլուծության են ենթարկվում 1877—1878 թթ. ուս.-թուրքական պատերազմը, Սան Սանֆանոյի վեճառողվը և այլ խնդիրներ։ Սալեհն այդ առթիվ ընդգծում է, որ օչալիի, թերես, մեծագույն սխալը նրանում էր, որ իրենց իդձերի իրադործման նպատակով հույսը կապեցին մեծ տերությունների հետ, երբ այդ նույն ուժերը ավելի շատ մահացված էին իրենց՝ սեփական շահերով (էջ 52)։ Այդ հանգամանքը, ըստ արար սլատմարանի, բացասաբար անդադարձավ արևմտահայության միաբանության և հակաբանության վրա, էլ ավելի վատթարացնելով նրանց վիճակը կայսրությունում։ Ապա նա խիստ քննադատում է «համիդյան» զնդերի կատաղի և վայրագ գործողությունները Արևմտյան Հայաստանի խաղաղ բնակչության նկատմամբ, նշում, որ այդ զնդերի ստեղծումը, որոնց հիմնական կորիզն էին հանդիսանում դարձյալ թրդերը, հայկական կոտորածների իրագործման ճանապարհին սուլթան Աբդուլ Համիդ II-ի մշակած անմարդկային և սարսափելի մի ծրագիր էր։ Քրդական ցեղերը կույր գործիք դարձան սուլթանի ձեռքին՝ նրա քաղաքականությունը իրագործելու համար (էջ 58)։ Բացի վերոհիշյալից, հեղինակը հակիրճ խոսում է նաև հայ դուլագու վիճակի, նրա կրած բռնությունների, ծանր հարկատեսակների մասին և այլն։

XIX—XX դդ. հայկական կոտորածները լուսաբանվել են գրախոսվող աշխատության երրորդ գլխում (Հայկական ջարդերը XIX—XX դարերում)։ Սալեհը փորձում է ցույց տալ, որ XIX դարի 80-ական թթ. կայսրությունում սկսեց արծարծվել Հայկական հարցը և մշակվեց հակահայկական գործողությունների դաժան մի ծրագիր։ Դեռևս 1884 թ. մեծ վեղիր Քուլուկ Սալիդ փաշան իր մի հայտարարությամբ գտավ այդ հարցի լուծման ամենակարճ և արդյունավետ ուղին՝ «Հայկական հարցին վերջ տալու ամենակարճ եղանակը հայ ժողովրդի բնաջնջումն է» (էջ 67)։ Եվ դա XIX դարի 90-ական թթ. դարձավ սուլթան Աբդուլ Համիդ II-ի քաղաքական գործունեության առաջնահերթ խնդիրը, որը գործնականում կիրառվեց կիսաանկախ Սասունի նկատմամբ։ Նրա «Սասունը առանց սասունցիների» կարգախոսով էլ «1891—1894 թթ. սկսվեցին Սասունի ողբերգական

իրադարձությունները, որոնք 1895 թ. դուրս եկան նրա սահմաններից և ընդգրկեցին հայկական բոլոր շրջանները» (էջ 68)։

Մենագրության մեջ գդալի տեղ է հատկացվել Սասունի ղեպներին, Թուրք-թրդական դորքերի և Վրոսականների հարձակումներին, Սասունի Վրոսական պաշտպանությանը և այլն։ Այստեղ ևս մեկ անգամ շեշտվում է հայկական շարժելու քրդերի խաղաղած բացասական դերը, ընդգծվում է, որ ցեղակիցներին «չիհաղի» (սրբազան պատերազմի) մղելով, քուրդ ցեղապետները իրենց ժողովրդին մեղսակից դարձրին հակահայկական այդ ոճրագործություններին (էջ 68—69)։ Այլևայլ խնդիրների քննարկումից հետո, կապված պանթուրքիզմի և նրա մեծապետական նկրտումների ու պլանների հետ, գրքի հեղինակը նշում է, որ հայկական կոտորածների բարբարոս ծրագիրը իրականացվեց զխավորապես XIX դարի վերջերից. սակայն ավելի խոր բնույթ կրեց XX դարի առաջին քառորդում, մասնավորապես երիտուրքերի հեղափոխությունից հետո (1908 թ.)։ Մինչև իշխանության գլուխն անցնելը երիտթուրքերը մեծ խոստումներ էին տալիս հպատակ ժողովուրդներին, այդ թվում նաև արևմտահայությանը։ Սակայն նրանց օրոք տառաջիորդներ ուղին չփոխվեց. ընդհակառակը՝ նրանք դիմեցին ավելի վայրագ և արյունալի մեթոդների։ Օսմանյան կայսրության ճնշված ժողովուրդների ճակատագրի լուծման խնդրում երիտթուրքերը շարունակեցին իրենց նախորդների բազմապատկեր գործը (էջ 93—94)։ Հայկական հարցը «լուծելու» համար նրանք հատորեն «գողագործեցին պատեհ առիթը՝ առաջին համաշխարհային պատերազմը և պետական մատուցողական ձևերով մի անմարդկային ծրագրի իրականացումը՝ հայ ժողովրդի ֆիզիկական ընդհանումը։ Այդ բիրտ քաղաքականությանը զուգահեռ արեւմտահայ ավելի քան մեկուկես միլիոն խաղաղ բնակչություն, իսկ ողջ մնացածները հեռացան ավանդական հայրենիքից։

Չխորանալով զանազան մանրամասնությունների մեջ՝ Սալեհը ընդհանուր գծերով արար մտավորականության դատին է ներկայացնում կոպեմակերպված և զանգվածային կոտորածները Արևմտյան Հայաստանում, դրանց իրազդանքները ուղղութամբ գործադրած սարսափելի միջոցառումները, աքսորը, խոչտանդումների դարհուրելի եղանակները և այլն (էջ 95—102)։

Մենագրության շորորդ գլխում (Թուրքերի անհիմն պնդումները հայկական կոտորածների

մասին) խնդրո առարկա է դարձել ժամանակակից Թուրքիայի հակահայկական ստոր պրոպագանդան։ Երչանառության մեջ ղեկավարանազան նյութեր՝ արար պատմարանը ընթերցողների ուղարություն է հրավիրում Թուրքիայում ծավալվող այն եռանդուն աշխատանքների վրա, որոնք հայկական ցեղասպանությունը մերժելու, պատմական փաստերն ու եղելությունները խեղաթուրված տեսքով ներկայացնելու նպատակ են հետապնդում։ Այդ առթիվ նա գրում է, որ ժամանակակից «Թուրքիայում պատմարանները, լեզվաբանները, իրավաբանները, գրողները, արվեստագետները, մամուլը և լրատվության այլ միջոցները նիգեր են գործադրում մոլորության մեջ զցելու համաշխարհային հասարակական կարծիքը... Թուրք պատմաբաններն ու ղիվանագետները եռանդուն գործունեություն են ձևնարկել՝ մխտելու օսմանյան պետության և «իթիհազ վե Թերաքի» միության կիրառած քաղաքականությունը հայության բնաջնման գործում... Ինքնապաշտպանության նպատակով Թուրք պատմաբանները հայերի մղած պայրարը բնութագրում են իրրեհակաբնկություն և հայ ֆիդայիներին համարում են ահաբեկիչներ...» (էջ 105—106)։

Հենվելով վաստական արժանահավատ տրվյալների վրա՝ Սալեհը սուր քննադատության է ենթարկում Թուրքիայի հակահայ այդ անբարոյական և լկաի պրոպագանդան, ընդգծում Թուրք կեղծարարների հրեշավոր ջանքերի և գործադրած միջոցների անմարդկային բնույթը, սնանկությունը։ Նա իրավացիորեն նշում է, որ Թուրքիան նման քայլերի է ղիմում պետական մակարդակով, որով և ջանում է մերժել հայ ժողովրդի արդար պահանջը։ Հեղինակը միաժամանակ անդրադառնում է այդ ոճրագործության հեռավոր արմատներին, կայսրության ազդահալած, բունի Թուրքացման ու ձուլման քաղաքականությանը, որը կիրառվեց ոչ միայն հայերի, այլև հպատակ բոլոր ժողովուրդների, այդ թվում նաև արարների նկատմամբ։

«Միջազգային համընդհանուր պատասխանատվությունը հայերի կոտորածների համար» գլխում քննարկման առարկա են դարձել Հայկական հարցի և առհասարակ հայկական արյունալի շարժերի նկատմամբ իմպերիալիստական տերությունների գրաված դիրքը, ղիվանագիտական վարքաղծր և միջազգային համաժողովները։ Դատապարտելով իմպերիալիստական գրեթե բոլոր պետությունների մերձավորարենելյան քաղաքականությունը և կեցվածքը հայկական կոտորածների հանդեպ՝ նա նշում է, որ աայդ բոլոր երկրներն անխոր աատահանա-

րար վաճառեցին Հայաստանը և Հայկական հարցը թաղեցին լողանում» (էջ 161)։ Այնուհետև՝ Լեզիսակը դանում է, որ Գերմանիան, Անգլիան, Ֆրանսիան և ԱՄՆ-ը հավասար պատասխանատվություն են կրում Հայկական հարցի ձախողման և նրա այդպիսի ողորդական վախճանի համար։ Այնուհանդերձ, այդ երկրներում դանվեցին աղնիկ և բարի կամքի տեր շատ մարդիկ, որոնք գատապարտեցին իրենց պետությունների զիջողորոշումը Հայկական հարցում և ձայն բարձրացրին ի պաշտպանություն արևմտահայության։

Հայկական շարժերի ղեկավարին այդ ժամանակներում, նշում է նա, իբրև մեղավոր ժողովուրդ, միանգամայն այլ դիրք զբաղեցրին արարները, որոնք օգնության ձեռք մեկնեցին աքսորյալ հայերին՝ շատերին փրկելով շարժերից։ Արար շատ պաշտոնյաներ իրենց հնարավորությունների շրջանակներում մեղմացնում էին Կ. Պոլսից ստացած հրամանները, կարողորությունները։ Առանձին վայրերում գտնվեցին նույնիսկ որոշ մարդիկ, որոնք, կյանքը վտանգի ենթարկելով, հրաժարվեցին Բարձր Դռան ցուցմունքները կենսագործելուց։ Այդպիսի պաշտոնյաներից էր, նրա կարծիքով, Դերգորի արար վալի Ալի Սավադ բեյը։ Երբ վերջինս Կ. Պոլսից հրաման ստացավ աքսորյալ հայերին բռնի դնել հետևյալ հեռու դիրք։ «Փոխադրամիջոցները չեն բավարարում այդ մարդկանց տեղահանելու համար։ Եթե դուք ցանկանում եք նրանց (հայերին — Ա. Փ.) սպանել և ոչնչացնել, ապա ես դա չեմ կարող անել և հրաման տալ» (էջ 166)։ Այս հրաժարումն անմիջապես հետո պաշտոնից հեռացվեց Ալի Սավադ բեյը, որին միախառնեց հայտնի արյունարբու Զեքի բեյը։

Նույն դիսի «Ժամանակակից թուրքական վարչակարգի պատասխանատվությունը հայկական կոտորածների համար» բաժնում Սալեհը կրկին անգամ դատապարտում է թուրք տիրապետող շրջաններին, որոնք պնդում են, թե իբրև պատասխանատվություն չեն կրում իրենց կողմից շիրականացված հանցագործության համար։ Դրանով, նշում է նա, թուրք ղեկավարները մինչև օրս շարունակում են նույն հանցագործությունը հայոց արդար դատի նկատմամբ (էջ 178)։ Չնայած 1919 թ. ուսմական դատարանում Մուստաֆա Քեմալը ընդունեց

«Իթիհադականներին» դաժան ոճազորությունները, սակայն, որքան տարօրինակ է, արդի թուրք ղեկավարները ազգային հերոս են հռչակել Բալեթ փաշային (էջ 179—180)։ Ապա հեղինակը հանգամանորեն խոսում է Հայկական հարցի միջազգային արձագանքների, նրա պաշտպանության առթիվ ընդունված զանազան փաստաթղթերի, որոշումների մասին և այլն։

Գրախոսվող աշխատության վեցերորդ գլխում զանազան խնդիրներ վերլուծելու, թվում Սալեհն անդրադառնում է նաև ԼՂԻՄ-ի պարբերմին, 1988 թ. փետրվարից մեղանում սկիզբ առած իրադարձություններին և արաբական պարբերական մամուլի էջերում տեղ գտած դրանց արձագանքներին։ Այդ կապակցությամբ նա նշում է, որ ԼՂԻՄ-ը հորհրդային Հայաստանի հարևան հանրապետությանը անարդարացիորեն բռնակցվեց Ստալինի օրոք և այսօր հայերը այդ մարդի վերամիավորման պահանջը ներկայացնում են ոչ թե նրա համար, որ բնակեցված է գլխավորապես հայերով, այլ, որ այն հղել է պատմական Հայաստանի անկախության մի հատվածը (էջ 222—225)։

Աշխատության վերջին՝ յոթերորդ գլխում (Հայերը կիբանանում) Սալեհը համառոտակի լուսաբանում է լիբանանահայ գաղթախի պատմությունը՝ սկսած վաղ շրջաններից մինչև մեր օրերը՝ կանգ առնելով գեպի Լիբանան կատարած հայերի արտագաղթների, դրանց դրդապատճառների և այլ խնդիրների վրա։ Ապա հանգամանորեն անդրադառնում է լիբանանահայ համայնքի մշակութային, տնտեսական, քաղաքական, հասարակական կյանքին և այլն։

Աշխատության հավելվածում զետեղվել են զանազան փաստաթղթեր, հայտարարություններ կապված հայկական ցեղասպանության հետ։

Ամփոփելով ասենք, որ գրախոսվող աշխատությունը, անկասկած, զերծ չէ թերություններից, անհշտություններից և չպատճառաբանված կրկնություններից։ Սակայն դրանք բնավ չեն նսեմացնում նրա գիտական արժանիքը, որի կողքով անտարբեր չի անցնի Հայկական հարցի ուսումնասիրության մի լուրջ ձեռքբերում, որը մեծապես կծառայի նաև հայ-արաբական ընդլայնվող բարեկամությանը և մեր երկու ժողովուրդների մշակութային կապերի ամրապնդմանը։

Ա. Պ. ՓՈԼԱԴՅԱՆ